

უცხო ენის ინსტიტუციური ტესტირება  
თსუ-ის მიერ ადმინისტრირებულ გაცვლით პროგრამებში მონაწილეობის მსურველებისთვის

ხშირად დასმული კითხვები

1. რა არის ენის ინსტიტუციური ტესტირების მიზანი?

ენის ინსტიტუციური ტესტირების მიზანია იმ სტუდენტების ხელშეწყობა, რომელთაც აქვთ სურვილი, მონაწილეობა მიიღონ თსუ-ის მიერ ადმინისტრირებულ მობილობის ან/და გაცვლით პროგრამებში, მაგრამ არ ფლობენ შესაბამისი უცხო ენის B2 დონეზე ცოდნის დამადასტურებელ დოკუმენტს, რაც კონკურსში მონაწილეობის სავალდებულო წინაპირობაა [ევროპის საბჭოს [CEFR](#) კლასიფიკაციის მიხედვით].

2. როდის ტარდება ენის ინსტიტუციური ტესტირება?

ენის ინსტიტუციური ტესტირება ტარდება წელიწადში ორჯერ, შემოდგომისა და გაზაფხულის სემესტრების დასაწყისში.

3. რომელ ენაში ტარდება ტესტირება?

ენის ინსტიტუციური ტესტირება ტარდება 8 უცხოურ ენაში, ესენია: ინგლისური, გერმანული, ფრანგული, ესპანური, იტალიური, პორტუგალიური, ბერძნული, და თურქული.

4. ფასიანია თუ არა ენის ინსტიტუციური ტესტირება?

თსუ-ის სტუდენტებისა და პერსონალისთვის ენის ინსტიტუციური ტესტირება არის უფასო.

5. რამდენ ხანს მოქმედებს ჩაბარებული ენის ინსტიტუციური ტესტირების შედეგები?

ენის ინსტიტუციური ტესტირების შედეგები თსუ-ის მიერ ადმინისტრირებული მობილობის და გაცვლითი პროგრამებისთვის ძალაშია ტესტირების ჩატარების სემესტრსა და მომდევნო 1 სემესტრის განმავლობაში.

6. რამდენ ქულიანია ტესტი?

ტესტი არის 100 ქულიანი

7. რამდენი ქულა ითვლება გამსვლელად თსუ-ის მიერ ადმინისტრირებულ მობილობის და გაცვლით პროგრამებში მონაწილეობის უფლების მისაღებად?

იმისათვის, რომ სტუდენტს მიეცეს მობილობის და გაცვლით პროგრამებში მონაწილეობის უფლება, აუცილებელია, მან საკონკურსო ენაში დააგროვოს მინიმუმ 71 ქულა.

8. ანაცვლებს თუ არა თსუ-ის ენის ინსტიტუციური ტესტირება იმ კონკურსების წინაპირობას, სადაც ენის ცოდნის დამადასტურებელი საერთაშორისო სერთიფიკატი მოთხოვნილია საკონკურსო დოკუმენტაციის აუცილებელ შემადგენელ ნაწილად?

არა, იმ კონკურსებში, სადაც ენის ცოდნის დამადასტურებელი საერთაშორისო სერთიფიკატი სავალდებულო მოთხოვნად არის მითითებული, თსუ-ის ენის ინსტიტუციური ტესტირების შედეგი არ ანაცვლებს ამ მოთხოვნას.

9. შესაძლებელია თუ არა თსუ-ში ჩაბარებული ენის ინსტიტუციური ტესტირების სერთიფიკატის გამოყენება იმ საერთაშორისო კონკურსებსა და გაცვლით პროგრამებში, რომლის ადმინისტრირება არ ხდება თსუ-ის მიერ?

არა, თსუ-ის მიერ ორგანიზებული ენის ინსტიტუციური ტესტირების შედეგი ვალიდურია მხოლოდ თსუ-ის მიერ ადმინისტრირებული გაცვლითი და მობილობის პროგრამებისთვის.

10. გაიცემა თუ არა სერთიფიკატი ტესტირების წარმატებით გავლის [მინიმუმ 71 ქულა] შემთხვევაში?

არა, რამდენადაც ამ ტესტირების ვალიდურობა შემოიფარგლება მხოლოდ თსუ-ის მიერ ადმინისტრირებული პროგრამებით, ინფორმაცია თსუ-ში აღნიშნული პროგრამების კოორდინატორებს მიეწოდება შიდა ქსელით და ინდივიდუალური სერთიფიკატი არ გაიცემა.

11. სად იქნება შესაძლებელი ენის ინსტიტუციური ტესტირების შედეგების ნახვა?

ენის ტესტირების შედეგები გაეგზავნებათ აპლიკანტებს ინდივიდუალურად პორტალ mobility.tsu.ge-ზე მითითებულ მეილზე.

12. რა შემთხვევაში არის საჭირო ენის ინსტიტუციური ტესტირების გავლა?

იმ შემთხვევაში თუ სტუდენტს არ აქვს უცხო ენის მოქმედი საერთაშორისო სერთიფიკატი (აღებული უკანასკნელი 2 წლის მანძილზე, B2 დონე) და სურს მონაწილეობა მიიღოს თსუ-ის მიერ ადმინისტრირებულ გაცვლით პროგრამებში, მან უნდა გაიაროს ენის ინსტიტუციური ტესტირება.

13. ვის შეუძლია ენის ინსტიტუციურ ტესტირებაში მონაწილეობის მიღება?

სტუდენტის აქტიური სტატუსის მქონე თსუ-ის ბაკალავრიატის მეორე, მესამე, მეოთხე, მეხუთე და მეექვსე, მაგისტრატურის პირველი და მეორე, დოქტორანტურის ნებისმიერი სემესტრის სტუდენტებს.

14. შეუძლია თუ არა თსუ-ის აკადემიურ და ადმინისტრაციულ პერსონალს ტესტირებაში მონაწილეობის მიღება?

დიახ, შეუძლია.

15. როგორ ხდება ენის ინსტიტუციურ ტესტირებაზე რეგისტრაცია?

ენის ინსტიტუციურ ტესტირებაზე რეგისტრაცია შესაძლებელია ელექტრონულ სარეგისტრაციო სისტემაში mobility.tsu.ge, რომელიც იხსნება ტესტირებამდე ორი თვით ადრე. ინფორმაცია ენის ინსტიტუციურ ტესტირებასთან დაკავშირებით ქვეყნდება თსუ ვებ-გვერდზე სიახლეების გრაფაში ტესტირების თარიღამდე რამდენიმე თვით ადრე.

16. თუ სტუდენტმა ინსტიტუციური ენის ტესტირება გაიარა შემოდგომის სემესტრში, აქვს თუ არა მას უფლება, მომდევნო, ანუ გაზაფხულის სემესტრშიც მიიღოს მონაწილეობა?

სტუდენტს შეუძლია მიიღოს მონაწილეობა ენის ინსტიტუციურ ტესტირებაში ორივე სემესტრში, ასეთ შემთხვევაში, კონკურსში მონაწილეობის წინაპირობად ვალიდურ ქულად ჩაითვლება ბოლოს მიღებული შედეგი.

17. არის თუ არა შესაძლებელი რამდენიმე ენის ტესტირების ერთდროულად გავლა?

არა, ერთ სემესტრში მხოლოდ ერთი ენის ტესტირების გავლა არის შესაძლებელი.

18. რამდენ ხანს გრძელდება ენის ინსტიტუციური ტესტირება?

ენის ინსტიტუციური ტესტირება გრძელდება სამი საათის განმავლობაში.

19. შესაძლებელია თუ არა ტესტირების თარიღის და საათის ინდივიდუალურად არჩევა?

არა, ტესტირება ტარდება სემესტრში ერთხელ წინასწარ დადგენილ მისამართზე, წინასწარ განსაზღვრულ დღესა და საათზე ჯგუფურად. ტესტირების ინდივიდუალურად ჩაბარება არ არის შესაძლებელი.

20. შესაძლებელია თუ არა შედეგის გასაჩივრება?

შედეგის გასაჩივრება არ ხდება, თუმცა, შესაძლებელია საკუთარი ნაშრომის ნახვა თსუ საგამოცდო ცენტრში.

21. სად ტარდება ენის ინსტიტუციური ტესტირება?

ენის ინსტიტუციური ტესტირება ტარდება თსუ-ს საგამოცდო ცენტრში

22. რა უნდა წარადგინოს სტუდენტმა ენის ინსტიტუციურ ტესტირებაზე შესვლისას?

ენის ინსტიტუციურ ტესტირებაზე შესვლისას სტუდენტმა თან უნდა იქონიოს პირადობის დამადასტურებელი დოკუმენტი (ID ბარათი).

23. როგორ მივიღოთ დამატებითი ინფორმაცია ენის ინსტიტუციურ ტესტირებაზე?

ენის ინსტიტუციურ ტესტირებაზე დამატებითი ინფორმაციის მიღება შესაძლებელია ელ-ფოსტაზე reference@tsu.ge ან თსუ-ის საგარეო ურთიერთობათა დეპარტამენტში.